



●英國經濟嚴重衰退，約翰遜「盡出奇謀」掠水。
設計圖片

「先行者」提醒諗清楚咪落錯注

BNO入籍勁多伏

生活養育甚艱難

整理：香港文匯報記者 文根茂

一身衰嘢纏身嘅英國，今起開放對英國國民(海外)護照(BNO)簽證申請，中方亦從今日起再承認所謂BNO護照作為旅行證件同埋身份證明。雖然絕大多數人都十分明白英國所作所為無非係為咗賺取經濟利益同埋搞政治炒作，但始終都會有啲「黃絲」執迷不悟，以為呢個係難得嘅「機會」。

香港文匯報記者搵到一啲已經持BNO護照去英國嘅「先行者」個案，發覺無論係工作生活，定係子女教育都困難重重，有人更直呼被呢，後悔移民，仲日日夢見香港，加之英國國民眾擺明唔歡迎持BNO護照港人同佢哋爭食，心水清嘅人實睇得出人生是否應該呢度落注。

●香港文匯報記者 杜思文、倪思言、文根茂

BNO條件苛刻勁掠水

英國政府違反中英諒解備忘錄今起向持有BNO簽證的港人開放申請的「5+1」入籍方案，英國首相約翰遜美其名曰「『履行了』英國與香港人之間的深厚歷史聯繫和友誼，並『捍衛了』英國和香港同樣珍視的自由和自治」，但事實是否如此？

香港文匯報記者根據英國駐香港總領事館日前在facebook專頁上載的、介紹新措施的短片，及坊間的有關資料整理了以BNO申請居英權的各項條件，發現只有具備移居到其他國家的香港中產以至專業人士才能夠滿足各項要求，反映該計劃只不過是一個吸納高質素移民(而非香港的所謂「手足」)順便搶「光環」的噱頭而已。

申請費用：
5年簽證：每人250英鎊(約2,538港元)
30個月簽證：每人180英鎊(約1,828港元)

移民醫療附加費：
▶成年人：
5年簽證：每人3,120英鎊(約33,176港元)
30個月簽證：1,560英鎊(約16,588港元)
▶18歲以下：
5年簽證：每人2,350英鎊(約24,989港元)
30個月簽證：1,175英鎊(約12,494港元)

●申請人須證明財務上能維持自己和家屬自給自足最少6個月

●5年後若申請永久居留權，亦要求英文能力：通過英語水平測試B1、B2、C1或C2 Level，或擁有以英文授課的學位

此外還須：
●通過英國生活測試
●支付申請永久居留權費用
●生活費：以4人家庭為例，6年的生活費約200萬至300萬港元
●過去5年任何12個月內，在英國境外停留時間均不超過180天
●不能有嚴重刑事記錄，沒有從事英國政府認為不利於公共利益的行為
●入籍前若觸犯刑事法例或會被驅逐出境

英國爛攤子棘手

130萬移民逃離
英國因脫歐出現排外潮。過去一年有130萬移民搬離英國

外資流入負13億美元
英國去年外商直接投資流入跌幅超100%，是全球表現最差的經濟體

90萬間中小企面臨倒閉
恐流失250萬個職位，疫情以來職位亦減少82.8萬個，疫情下更多移民或外勞失業

金融業流失近7,000職位
脫歐後，倫敦金融業在歐洲優勢逐漸消失，不少金融機構遷走，職位流失嚴重

英國抗疫失利，累計死亡逾10萬人
英國當局曾提「群體免疫」，讓病毒在民間自由傳播等錯誤戰略，加之英國各種深層次問題，是全球抗疫表現最差的國家之一



居英唔包發圍「幾代人捱返嚟」

好多「黃絲」都話移民英國係為咗「下一代」嘅一個「自由」嘅地方成長，講到英國好似成個人自動生產基地咁。有上世紀九十年代同屋企人一同移民英國嘅「英格蘭中部全職煮婦」就係網上現身說法，話教育細路仔最重要係係父母們以身作則，用自己嘅言行令佢哋養成正確價值觀，唔係話帶咗佢去所謂「自由」嘅地方就一切解決晒。

「英格蘭中部全職煮婦」分享咗上世紀九十年代自己一家人移民英國嘅經歷，講咗兄弟姐妹如何係父母嘅教育下，慢慢融入當地，當中結合幾代人嘅辛苦付出。

嘍，家好多「黃絲」對香港唔滿意，以為去咗英國天都光晒，小朋友未來一定好過香港，一定成為一個有質素嘅國際型人才。「英格蘭中部全職煮婦」呢個



生活質素遠遜港 逃避心態實難捱

睇返唔少移民外地嘅人分享，佢哋都話去到外國好唔習慣，覺得自己唔適應當地生活。其實，移民前真係應該認真、仔細咁考慮清楚，檢視下自己係咪有足夠適應能力，畢竟有啲嘢係人哋話好就一定係好，唔係人地話唔好就一定唔好。

語言隔閡 搵食又難

「Vivien Cheng」近日就係facebook專頁「英國香港人生活交流區」分享，話有對夫妻持BNO護照，但哋有兩個小朋友，係香港仲要有車有樓，但講到要移民英國，男方就一直都唔想去。點解？因為男方唔識英文，又無大學學歷，兼且身上毫無其他技能，嚟英國一個朋友都無，如果去咗英國就只可以留屋企搵細細路，試問咁嘅條件下又點會想離開呢？



「蠢黃」受網煽移民 唔聽親戚早餓死

「黃絲」成日抱怨香港環境差，喺「黃絲」KOL就順住佢哋心意，係咁吹噓外國，講到佢哋移咗實會人生逆襲嘅。呢啲啲蠢嘢，因為喺「黃絲」心水，佢哋實會信。先人一步持BNO護照移民嘅「黃絲」，果然迎來人生逆襲，只不過係向下逆。佢哋當中有人日前喺網上抱怨，話後悔信咗啲「黃絲」KOL唆擺而走，嘍家成日夢到香港。

後悔信錯fb谷 換來黃人恥笑

facebook專頁「港英飛機車大砲」近日貼咗張Tg對話圖，反映有人似乎好後悔去咗英國生活，話「信左(左) Alvin in UK & facebook d (啲) bno 谷(Group)，好後悔咁來」，佢話覺得英國講係，如

英人鬧爆搶飯碗 加倍歧視黃皮膚

所謂「物離鄉貴，人離鄉賤」，真係為計劃通過BNO護照去英國班人捏把汗。英方嘅消息一出，就有好多英國人喺網上表明唔歡迎佢哋。其實英國如今新冠疫情爆到七彩、經濟下滑，而且當地長期都有抵制移民組織，就算係精英移民都會俾鬧搶咗本地人嘅工作機會，持BNO護照移民嘅港人，擺明生活唔會好過嘞。

BNO「5+1」移民政策出咗後，許多英國人亦唔滿意。許多當地網民喺BBC介紹相關移民政策嘅facebook帖文下抵制該政策。網民「Dave Bud Hughes」嘅回應獲得最高讚，佢揶揄道：「很高興我哋有很多閒錢照顧全世界的人，也許政府現在可以多派些養老金，多幫啲殘疾人。」「Tiffany Paul」就更加直白，佢話唔好再畀任何人進入英國，英國已經人過剩，「我哋要照顧自己嘅人民。」

歷來主張縮減移民接納量嘅組織「英國移民觀察(Migration Watch UK)」，亦曾公開話BNO「5+1」移民政策「欠考慮」，而且激增的移民必將對英國教育、醫療保健、住房和交通系統造成壓力。英國經濟與社會國家研究所(NIESR)更直接鼓勵香港移民遠離大城市定居，以緩解英國中心城市壓力。

牛津大學嘅移民問題專家羅伯·麥克尼爾亦話，突然到來嘅大規模移民將會給英國公共服務體系帶來衝擊，進而激起當地民眾的反感。佢又話，疫情期間英國失業率升高，香港高質素移民短期內亦會給就業市場造成壓力。

易遭侮辱襲擊 租樓更艱難

其實，英國一直都有「歧視」嘅「傳統」，英格蘭人會嘲笑威爾士人嘅口音，少數族裔嚟英國嘅日子亦唔係咁好過。新冠疫情之後，自爆英國飽受歧視華人通街都係，甚至有被襲擊嘅危險。facebook專頁「英格蘭中部全職煮婦」日前亦



●英國網民或並不太歡迎香港移民。

話，佢同表姊妹行街時俾白人女人罵，話佢哋將病毒帶嚟英國，叫佢哋返去自己國家咁。但已移民一段時間嘅佢，又話呢啲情況都係要識自己處理，唔好次次都要「求安慰」嘞。

舊年3月，嚟英國留學的新加坡男仔Jonathan Mok，亦係facebook發帖話自己嚟人來人往，非常繁忙嘅倫敦牛津街(Oxford Street)俾數名英國青年襲擊，更罵佢係「Coronavirus」。

日常生活中嘅「隱性歧視」亦唔少見，見工時面試官對白人熱情，對華人冷淡；非永久居民嚟英國亦好難租樓，有人更試過連睇十間樓都被業主拒租，有人話連睇樓嘅機會都冇，甚至肯一次過畀晒一年租金，同樣被拒絕。

●香港文匯報記者 杜思文